

الرسمية



جريدة

JAMHUURIYADDA DIMOQRAADIGA SOOMALIYA

الجمهورية الصومالية

Sannadka 9aad Muqdisho 30 Dis. 1981 L. 4R12

FAAHFAAHIN BIL SOO BAXA

جريدة شهرية

Laanta Faafinta Rasmiga ah ee Madaxtooyada J.D.S.

QIIMADU waa 5 Shiln lambar waliba—RUKUNKA: Sannadii waa Shs. 100 Somaliya gudaheeda—dibaddeedana waa Shs. 300. Ruknka la weydiisto waqtiga loo gooyey wuxuu ka bilaa-bmaa 1 Janayo Qiimaha qoritaanku F.R. halkii sadar iyo waxoo ka yar waa 2 laba Sh. — Rukunka iyo qoritaanka waxaa a weydiistaa laanta Maamulka Faafinta Rasmiga ah—lacagta waxaa lagu bixinayaa Xafiiska Canshuuraha ee Wasaa. radda Lacagta.

QAYBTA KOWAAD

SHARCI

SHARCI L.67 ee 29 Dis. 1981, Ijaarka ma
guurtooyinka loo isticmaalo dan Ga- BOG. 1833
nacsi.

QAYBTA LABAAD
XEER

XEER MADAXWEYNAHA JDS, L. 74 ee
5 Luulyo 1981. Dallaacd Shaqaale » 1848

XEER MADAXWEYNAHA JDS, L. 75 ee
19 Luulyo 1981, Darajo Beddelaad. » 1850

XEER MADAXWEYNAHA JDS, L. 76 ee
30 Agoosto 1981, Dib u sixid Xeerka » 1852
Lamb. DH. MG/XQ/01.81.

XEER MADAXWEYNAHA JDS, L. 77 ee
30 Agoosto 1981. Dallacaad G/Dhexe » 1854
Cali Xasan Maxamuud.

Wakaaladda M. Qaranka

QAYBTA KOWAAD
SHARCI

SHARCI L. 67 ee 29 Disembar 1981. Ijaar ka maguurtooyinka loo isticmaalo dan Ganacsii.

MADAXWEYNAHA J.D.S.

ISAGOO TIXGELINAAYA Oggolaanshaha Guddiga Joogtada ah ee Golaha Shacbiga.

WUXUU SOO SAARAYAA

Sharciga soo socda:

Ijaarka maguurtooyinka

Qod. 1aad

(Heshiiska Ijaarka)

1. Ijaarka maguurtooyinka loo isticmaalo dan ganacsii, ama dan bulshadeed oo ka duwan hoy, waxaa nidaaminaya Sharcigan, Xeerka Madaniga, qodobbaadiisa aan ka soo horjeedin Sharcigan, iyo heshiiska dhax mara kireeyaha iyo kireystaha.

2. Waa wax kama jiraan heshiisyada, ama qayb kastoo iyagaas ka mid ah, oo ka hor imaanaya Sharcigan.

3. Sharcigan lagu dhaqi maayo ijaarka guryaha ku yaal magaalcoyinka dadka deggani ay ka yar yihiin 10.000 oo ruux, iyo guryaha ka sameysan baraa ko, cariish, mundul, iwm, oo loogu isticmaalo hawl ganacsi aan warshad ahayn.

Qod. 2aad

(Muddada Ijaarka)

1. Maguurtooyinka ganacsiga waxaa loo kala saaray warshado, hoteello, farmashiyeyaa, farshanno, ganacsi kale iyo hawl kastoo madax bannaan.

2. Muddada ijaarka iyo sii ijaaridda maguurtooyinka lagu sheegay xubinta koowaad kama yaraan karto inta soo socota:

a) warshadaha, hoteellada iyo farmaashiyeyasha: sagaal sano;

b) farshaxannada, ganacsiga kale iyo hawl kasto madax bannaan: afar sano.

3. Haddii lagu heshiyo muddo inta ka yar, ama aan muddaba la qabsan, waxaa loo qaadanayaa in lagu heshiyyey muddada ijaarka ku sheegan xubinta hore.

4. Waxaa lagu heshiin karaa muddo intaa ka gaaban marka hawlaho lagu fulinayo maguurtada ay leeyilhiin, nuxur ahaan, dabeecad ku meel gaar ah.

5. Haddii heshiiska ijaarku uu leeyahay dabeecad xilliyeed, Kirceyuhu waa in uu maguurtada ka ijaaraa, isla xilliga sannadka xiga, kireystihii here, haddii uu warqad xafidan ku soo codsado inta ayan dhammaan muddada heshiisku. Waajibkaas kireeyaha saaran wuxuu soconayaa ugu badnaan afar sano oo is-xigta, ama sagaal sano marka maguurtada loogu isticmaalo hoteel, warshad ama farmashiye.

6. Dhinacyadu waa ku heshiin karaan in kireystuhu ka bixi karo heshiiska ijaarka waqtii kasta, isagoo warqad xafidan ku ogeysiinaya kireeyaha, ugu yaraan lix bilood ka hor taariikhda ka bixidda.

7. Marka ay jirto sabab dhab ah oo la garowsan karo, xataa haddii lagu heshiyo si ka duwan, kireystuhu waa ka bixi karaa heshiiska isagoo digmin siinaya kireeyaha, ugu yaraan lix bilood ka hor, wuxuu na ku gaarsiinayaa warqad xafidan.

8. Marka Sharcigan laga hadlayo:

a) hoteel waxaa loola jeedaa meelaha la seexo ee ka kooban ugu yaraan sagaal qol jiif ah;

b) warshad waxaa loola jeedaa meel kasta oo ay ku rakiban yihiin in ka badan hal makiino oo looga shaqeeyo beddelaadda alaabta cey-

riin, ama lagu dhammeystiro alaab warshadeyn hore soo martay, dhanka qimo dhaca marka la eegana muddo afar sano ka badan u baahan, waxaana tilmaamaya sharci gaar ah.

Qod. 3aad

(Cusbooneysiinta heshiiska ijaarka)

1. Heshiisyada ijaarka maguurtooyinka loogu isticmaalo hawlaha ku tilmaaman Qodobka 2aad, xubintiisa labaad, xarfaha (a) iyo (b), waxay u cusboonaanayaan muddo la eg inta ku xusan isla qodobkaas.

2. Cusbooneyntas ma dhaqan geleyso haddii labada dhinac midkood uu dhinaca kale ku gaarsiyo, warqad xafidan, ogeysiis ka bixid heshiis ah, iyadoo la siinayo muddooyinka hoos ku tilmaaman:

- warshadaha, hoteellada iyo farmashiyeyasha: 18 bilood;
- farshaxannada, ganacsiga kale iyo hawl kasto madax banraan: 12 bilood.

3. Dhammaadka heshiiska ugu horreeya, kireeyuhu wuxuu diidi karaa in uu cusbooneysiyo heshiiska, marka ay jirto xaalad ka mid ah xaaladaha ku tilmaaman Qodobka 4aad ee Sharcigan, iyadoo la dhowrayo habka iyo waqtiyada isla qodobkaas ku xusan.

Qod. 4aad

DIIDID CUSBOONEYSIIN HESHIIS

1. Marka ay dhammaato muddada heshiiska u horreeya, ~~xaalad~~ ka mid ah xaaladaha soo socdana la helo, kireeyuhu wuxuu xaq u leeyahay in uu diido cusbooneysiinta heshiiska ijaarka:

- marka uu rabo in maguurtada ay u isticmaalaan isaga, xilihiisa ama carruurtiisu, hoy ay degaan;
- marka uu rabo in maguurtada ay u isticmaalaan meel ay ku qabsadaan isaga, xilihiisa ama carruurtiisu, hawl ka mid ah hawlaha

bolka.
ku sheegan Qodobka 2aad.

Si kastaba ha ahaateec, maguurtooyinka loo isticmaalo warshad, hoteel ama farmashiye, lama beddili karo hawlaha lagu qabto hadii aan laga helin oggolaansho hay'adda Dawladda ee awoodda u leh.

t) marka loo baahdo in maguurtada la dumiyoo, si dib loogu dhiso, ama dib u habeyn guud loogu sameeyo. Xaaladaha kor ku tilmaaman, oogidda dacwadda guri banneynta iyo sii wediddeeda waxaa shardi u ah haysasha da fasaxa dhismaha.

2. Kireeyuhu waa in uu warqad xafidan ku weydiistaa in loo banneeyo maguurtada, ugu yaraan 12 bilood ka hor, ama 18 bilood marka maguurtadu tahay hoteel, warshad ama farmashiye.

3. Ogeysiiska waa in lagu caddeeyaa sabab ka mid ah sababaha xubinta koowaad ee qodobkan ku sheegan, saldhiggana u ah codsiga cusbooneysiin la'aanta heshiiska.

4. Haddii uu kireeyuhu oofin waayo tilmaamaha ku cad xubnaha hore ee qodobkan, heshiiska waxaa loo aqoonsanayaa in uu ku cusboonaaday sida ku tilmaaman Qodobka 3aad ee Sharcigan.

Qod. 5aad

(Habka ka saaridda maguurtada)

1. Marka kireystaha la gaarsiyo ogeysiiska ku cad Qodobka 4aad, inta ka horreysa waqtiga loo qabtay in uu ceynta ka banneeyo, ama xataa haddii waqtigu dhammaado iyadoo kireystuhu banneynin, kireeyuhu wuxuu dacwad ku oogi karaa kireystaha isagoo dhawraya Sharcigan iyo Xeerka Habka Madaniga.

2. Ka garcelinta dacwaddan waxaa awood u leh Maxkamadda Degmada, haddii wadarta kiradu ayan ka badneyn Shs. 3.000 (saddex kun) sannadkiiba. Xaaladaha kale waxaa awood u leh Maxkamadda Co-

— 1887 —
3. Degaan ahaan, qaadista dacwadda waxaa awood u leh Maxkamadda ay xadkeeda ku taallo maguurtadu. Waa wax kama jiraan heshiis kasta oo wax ka beddelaya awoodda degaan ee Maxkamadda.

4. Fadhiga u horreeya, haddii dacweysanuhu yimaado, doodna uusan ka keenin codsiga dacwoodaha, Garsooruhu, isagoo tixgelinaaya codsiga dacwoodaha, wuxuu soo saarayaa go'aan uu ku amrayo dacweysanaha guri banneyn.

5. Go'aanka Garsooruhu wuxuu xirayaa dacwadda.

6. Haddii uu kireystuhu ishortaag ka keeno, Garsooruhu wuxuu isku dayayaa heshiisiin. Haddii heshiisiinta lagu guuleysto, waxaa la qorayaa garmaqal oo dacwaddu ku xirmeyso. Haddiise lagu guuleysan waayo, ama uu maqnado dacweysanuhu, waxaa lagu dhaqmayaa Xeerka Habka Madaniga.

7. Garsooruhu, isagoo tixgelinaya codsiga dacwoodaha, marka uu qiimeeyo doodaha dhinacyada iyo caddeymaha loo soo gudbiyey, wuxuu fadhiga ugu horreeya iyo mar kasta oo kale, inta garranku socdo, amri karaa in la banneeyo maguurtada, isagoo soo saaraya go'aan dhaqangal ah.

Qod. 6aad

(Ganaax)

1. Kireeyaha loogu banneeyay maguurtada sabab ka mid ah sababaha ku cad Qodobka 4aad, muddo lix bilood gudahood ahna ugu isticmaalin hoy isaga, xilihiisa ama carruurtiisu, ama aan ku qabsan hawl ka mid ah hawlaha ku tilmaaman Qodobka 2aad, ama aan dhowrin muddada fasaxa dhismaha, waxaa ku waajib noqonaya, hadlii uu codsado kireystuhu, in uu dib u soo nooleeyo heeshiiskii kirada, marka laga reebo xuquuqda qof saddexaad uu niyad sami ku hantay, ama in uu magdhow khasaare siiyo kireystaha oo ku qiyaasan lacag aan ka badneyn 48 bilood kiradooda oo laga qiyaasay kiro la hixiyey tii u dambeysay, in-

1838

taan heshiiska la baabi'inin. Waxaa intaas u dheer magdhowga ku tilmaaman Qodobka 8aad.

2. Dib u soo nooleynta heshiiska, ama magdhabidda khasaare ka sokow, kireeyaha waxaa lagu ciqaabayaa ganaax u dhexeeya Sh. So. 10.000 ilaa Sh. So. 50,000

3. Go'aanka ganaaxa waxaa soo saareysa Max kamadda qaadday dacwadda madaniga ah.

Qod. 7aad

(Dheellitirka ijaarka)

1. Qiimaha ijaarka lagu heshiiyey halkiisii ayuu taagnaanayaa saddexda sano oo u horeysa ee mudada heshiiska, lagamana hadli karo dheellitirka isbedde laadda ku dhici kara awoodda iibka ee Shilinka.

2. Dhinacyadu waa ku heshiin karaan, laga bil laabo sannadka afaraad, in ay dib u eegaan, dheelli tirinna qiimaha kiraha, iyadoo laga duulayo isbed delka ku dhaco awoodda iibka ee Shilinka Labadii sano u dambeysay. Wixii ka dambeeya, labadii sanaba mar waa bannaan tahay in laga wado hadlo dheelli tirkaas.

3. Kororsiimada dheellitirka qiimaha ijaarka ka mo badnaan karo boqolkiiba shan iyo tobani (15%) markiiba.

Qd. 8aad

(Magdhow)

1. Marka uu go'o xiriirka ijaarka maguurttooyin ka ku sheegay Qodobka 2aad sababtuna ayan ahayn mid kireystuhu uu leeyahay (gudasho karid la'an xilkii scarnaa, ka bixid heshiis ijaar, Iwm.) kireystaha ku haystay maguurtada hawl ka mid ah kuwa ku tilmaaman Qodobka 2aad, wuxuu xaq u yeelanayaa magdhow la mid ah 18 bilood kiradooda hadii ma guurtadu hoteel ahayd, ama warshad ama farmashiyana 21 bilood kiradooda

2. Kireystuhu wuxuu kaloo xaq u yeelanayaan magdhow dheeraad ah oo gaaraya inta ku kala xusan xubinta hore, marka maguurtada loogu isticmaalo, qof kasta ha ku isticmaalce, muddo sannad ah gudahed, laga billaaboo maalinta la banneeyey, isla hawlihi kireystihii hore uu meesha ku hayey ama mid la nooc ah.

3. Fulinta go'aanka banneynta maguurtada waxaa shardi u ah in la bixiyo magdhowga xubinta koo-waad ku sheegan. Magdhowga ku tilmaaman xubinta labaad, waxaa la bixinayaa bilowga hawsba cusub.

Qod. 9aad

(Ka reebid)

1. Axkaanta qodobka hore lagu dhaqi maayo go'idda xiriirka ijaarka ku saabsan maguurtooyinka loo isticmaalo hawlo aan keeneynin in xiriir toos ah lala yeesho dadweynaha, iyo kuwa loo isticmaalo xirfado mihnadeed ama leh dabeecad ku meel gaar ah, iyo guryaha ku dhix yaal dekedaha, gegida dayuuradaha, saldhigiyada baabuurta, hotcellada iyo tuulooyinka dalxiiska, xarumaha goobaha shaqada iyo naadiyada isboortiga.

2. Sidoo kale lagu dhaqi maayo maguurtooyinka Dawladda ama hay'adaha Dawladdu ijaaraan, marka ay Dawladda ama Hay'adaheedu ku qabsanayaan dan ka mid ah danahooda caamka ah. Xaaladdan dambe, kireystaha waa in la siyyaa waqt macquul ah oo uu ku banneeyo.

Qod. 10aad

(Sii-ijaaridda iyo wareejinta heshiiska ijaarka)

1. Kireystuhu waa sii ijaari karaa maguurtada, ama waa wareejin karaa heshiiska ijaarka, xataa isaga oo aan la tashaan kireeyaha, waxaase shardi ah in heshiiska lala wareejyo, ama lala ijaaro, hawshii maguurtada lagu hayey, isla markaana la wargeliyo kireeyaha, looguna sheego warqad xafidan oo jawaabcelin leh.

2. Marka ay jiraan sababo dhab ah oo la garowsan karo, kireeyuhu wuxuu geysan karaa ishortaag, soddon maalmood gudahood, laga billaaboo maalinta uu helay ogeysiiska.

3. Xaaladaha heshiis wareejinta, kireeyuhu waa dacweysan karaa wareejiyaha, hadduusan ka madax banneyn culeyskaas, marka loo-wareejiyuhu gudan waayo xilkii uu qaaday.

4. Magdhowga ku sheegan Qod. 8aad, waxaa yee-lanaya kireystaha u dambeeya.

Qod. 11aad

(Dhaxalka heshiiska)

1. Kireystaha waxaa heshiiska ka dhexlaya kuwa xaqa u leh in ay sii wadaan hawlaha maguurtada lagu hayey.

2. Haddii maguurtada ay isticmaalayeen mihnadlayaal, farshaxanno ama ganacsadayaal badan, kireystuhuna uu ahaa mid iyagaas ka mid ah, marka uu dhinto waxaa wadajir heshiiska uga dhaxlaya kuwa xaqa u leh in ay shaqada qofka dhintay sii wadaan iyo mihnadlayaasha, farshaxannada ama ganacsatada kale.

3. Haddii kireystuhu uu heshiiska ka baxo, waxaa heshiiska la wareegaya mihnadlayaasha, farshaxannada iyo ganacsatada kale. Kireeyuhu wuxuu ka geysan karaa ishortaag la wareegidda heshiiska, marka ay jiraan sababo dhab ah oo la garowsan karo, wuxuna u marayaa habka ku sheegan qodobka hore.

Qod. 12aad

(Xaqa kala horreynta)

1. Kireeyuhu, marka uu doono inuu maguurtada kireysan iib ku wareejyo, waa in uu kireystaha qoraal ku ogeysiyyaa isagoo u marinaaya Gaarsiiyaha Maxkamadda.

2. Ogeysiiska waa in lagu sheegaa qiimaha loo joogo oo lacageysan, iyo shuruudaha kale ee beecu ku guntamayo, waana in uu weydiyaa kireystaha inuu rabo iyo in kale ka faa'iideysiga xaqa kala horreyntra.

3. Kireystuhu waa in uu ku isticmaalaa xaqa kala horreyntra soddon maalmood gudahood, laga billaabo taariikhda uu helay ogeysiiska, wuxuuna ku caddeynaya qoraal ku socda milkiilaha oo loo marsii-nayo Gaarsiiyaha Maxkamadda, uuna ku caddeynayo inuu maguurtada kula wareegayo shuruudo la mid ah kuwa loo soo bandhigay.

4. Kireystuhu, marka uu isticmaalo xaqa kala horreyntra, haddii kireeyuhu shuruudo ka duwan ku sheegin ogeysiiska, waa in uu qiimaha maguurtada ku bixiyaa soddon maalmood gudahood, laga billaaho marka ogeysiiska uu gaaray milkiilaha, isla markaan-la sameeyaa heshiiska iibka, ama midka hordhaca ah.

5. Haddii maguurtada ay ka ijaaraan tahay dad badan, qof kasta oo ka mid ah kireystayaasha gooni ahaantii ayaa loo gaarsiinayaa ogeysiiska.

6. Xaqa kala horreycita wadajir waa u isticmaali karaan kireystayaashu, ama marka qaar ka mid ahi ka tanaasulaan, inta hartay ama midka haray ayaa isticmaali kara.

7. Axkaanta qodobkan lagu dhaqmi maayo marka ay joogto xaaladaha ku sheegan Qodobka 748aad ee Xeerka Madaniga.

Qod. 13aad

(Beec-fur)

1. Haddii milkiiluhu uu gabu in uu gaarsiyo kireystaha ogeysiiska ku tilmaaman qodobka hore, ama ay caddaato qiimaha uu ogeysiiska ku sheegay in uu ka badnaa midka ku yaal qoraalka beeca maguurtada, qofka leh xaqa kala horreyntra, muddo ku siman lix bilood gudahood, laga billaabo maalinta heshiiska la minguriyey wuxuu maguurtada ka soo ceshan karaa iibsadaha ama inta dambo xaqa u yeelatay.

2. Marka la isticmaalo xaqa ceshadka, qiimaha waa in la bixiyaa saddex bilood gudahood, laga bilaa bo taariikhda fadhiga u horreeya ee Maxkamadda, ha dii aan is hortaag laga keenin, ama maalinta uu ka helay iibsadaha, ama kuwii kaloo ka sii iibsaday ama xaqqu yha, ogeysiis ay ku wargeliyeen, fadhiga Maxkam adda ka hor, in ayan codsigiisa ishortaag ka lahayn.

3. Haddii Iibsaduhu, ama qofkii kaloo xaqqdam be ku yeeshay maguurtadaas, uu ishortaag ka keeno ku isticmaalka xaqaas, muddada saddexda bilood ah waxay ka billaabaneysaa marka xukunka dacwadda la gu dhammeeeyey uu kama dambeys noqdo.

Qod. 14aad

(Xaqa ku kala horreyntra

heshiisyada la cusbooneysiyyey)

1. Marka kireeyuhu uu doono in uu maguurtada qof saddexaad ka ijaaro, dhammaadka heshiiska la cusbooneysiyyey, waa in uu kireystaha gaarsiyyaa ijaarka loo joogo, kuna ogeysiyyaa farqad xafidan oo jawaab celin leh, lixdan maalmood ka hor dhammaadka mud-dada heshiiska.

2. Waajibkaas lagu yeelan maayo kir yaha marka uu jiro qoraal kireystuhu uu ku sheegay inuusan dooneynin cusbooneysiinta heshiiska ijaarka.

3. Kireystuhu wuxuu hormarin ka yeelanaya qof kastoo kale haddii uu soddon maalmood gudahood, la ga billaabo maalinta uu helay ogeysiiska ku tilmaaman xubinta koowaad, uu oggolaado qimo iyo shuruudo lamid ah kuwa uu kireeyuhu u soo bandhigay.

4. Kireystaha xaqaas waa u taagnaanayaa xataa marka uu sannad gudihii ku go'o heshiiska ijaarka dhe xmaray kireeyaha iyo kireystaha cusub.

Qod. 15aad

(Baaba)

Waa wax kama jiraan haddii dhinacyadu heshiis ku gaaraan in ijaarku baaba'ayo marka maguurtada la wareejiyo.

Qod. 16aad

(Kharajka diiwaangelinta)

Kharajka diiwaangelinta heshiiska ijaarka wuxuu si siman u saaran yahay kireeyaha iyo kireystaha.

Qod. 17aad

(Kharajka dheeraadka ah)

Dhammaan kharajyada la xiriira hawlaha nadaa fadda, biyaha, korontada, banneynta bulaacadaha iyo musqulaha iyo kharajyada ku baxa Adeegyada kale ee wadajirka looga faa'iideysto, wuxuu saaran yahay kireystaha, haddii aan si ka duwan loogu heshiin.

Qod. 18aad

(Maguurtooyinka lagu qabto hawlo gaar ah)

Heshiisyada ijaarka iyo sii ijaaridda maguurtooyinka xarumaha u ah Iskaashatooyinka ama ururrada bulshada, iyo kuwa loo isticmaalo gole maawelo, caafimaad, hiddo iyo waxbarasho, muddadoodu waa afar Sano, waxaana lagu dhaqayaa qodobbada Sharcigan ee dabeecadda hawlahaas la socon kara.

MADAXA LABAAD

Axkaanta muddada kala guurka ah

Qod. 19aad

(Muddada heshiisyada socda ee
cusbooneysiinta loogu talo galay)

1. Heshiisyada ijaarka ku tilmaaman Qod. 2aad, socdayna marka uu dhaqan galay Sharcigan, dhinac yaduna ay ugu talo galeen in la cusbooneysiin karo, waxay soconayaan Afar Sano.

2. Muddada kor ku sheegan waxay ka billaabaneysaa maalinta xigta dhammaadka muddada heshiiskii socday.

3. Haddii ay suuragal noqon weydo in maalintaas la aqoonsado, muddada cusub waxay ka billaabaneysaa taariikhda dhaqangalka Sharcigan.

4. Dhinacyadu waxay sameysan karaan heshiis cusub oo Sharcigan waafaqsan, iyadoo weli lagu jiro muddada heshiiskii hore.

Qod. 20aad

(Korosiimada kirada)

1. Heshiisyada ijaarka iyo sii-ijaaridda ku tilmaaman qdobka hore, lana kala qortay 31ka disember 1977kii ka hor, kirada ay dhigayeen waxaa lagu kordhin karaa, haddii uu weydiisto kireeyuhu, iyadoo laga billaabayo 1da bisha xigta taariikhda dhaqangalka Sharcigan, lacag aan ka badneyn boqolkiiba labatan (20%).

2. Haddii taariikhda kor ku sheegan kaddib kireeyuhu uu kordhiyey intii hore loogu heshiiyey, kireystaha waxaa lagu yeelan karaa farqiga u dhexeeya kororsiimada xubinta hore ku sheegan iyo inta uu bixiyey.

Qod. 21aad

(Xaqa ku kala horreyn ta iyo magdhowga)

1. Marka ay dhammaato muddada ku tilmaaman Qod. 19aad, kireeyuhu waa in uu warqad xafidan oo jawaab celin leh ku ogeysiyyaa kireystaha, ugu yaraan lixdan maalmood ka hor taariikhda heshiisku dhammaanayo, shuruudaha uu rabo in uu ku sii wado ijaarka, ama inta uu ka haysto dad kaloo daneynaya maguurtada.

2. Waajibkaas lagu yeelan maayo kireeyaha marka uu jiro qoraal kireystuhu uu ku sheegay in uusan dooneynin cusbooneysiinta heshiiska ijaarka.

3. Sidoo kale kireeyaha lagu yeelan maayo waa jibkaas, marka uusan dooneynin in uu cusbooneysiyo heshiiska, isagoo tiigsanaya sabab ka mid ah sababaha ku sheegan Qod. 4aad.

4. Kireystuhu waa in uu soddon maalmood gudahood, laga billaabo marka uu helay ogeysiiska xubinta koowaad ku tilmaaman, ku wargeliyaa kireeyaha u diyaar ahaantiisa inuu ijaarka ku wato shuruudaha cusub.

5. Kireystuhu wuxuu xaqa kala horreynta yeelanaya haddii soddon maalmood gudahood, laga billaabo maalinta uu helay ogeysiiska ku sheegan xubinta koowaad, uu oggolaado shuruudo la mid ah kuwa kireeyuhu uu u soo bandhigay, xaqaas wuxuu kaloo yee-lanaya xataa xaaladaha ku tilmaaman Qod. 14aad.

6. Haddii kireystuhu uu aqbali waayo shuruudaha kireeyaha, ama uu isticmaali waayo xaqa kala horreynta, wuxuu xaq u yeelanaya magdhow gaaraya 18 bilood kiradooda, ama 21 bilood, haddii meeshu tahay hoteel, warshad ama farmashiye, waxaana laga qiyaasayaa kirada uu weydiistay kireeyuhu, ama mida qofka kaloo ka danta leh uu keenay.

7. Haddii kireeyuhu uusan dooneynin inuu cusbooneysiyo heshiiska ijaarka, kireystuhu wuxuu xay u yeelanaya magdhow gaaraya 18 bilood kiradooda, ama 21 bilood, marka meeshu tahay hoteel, warshad ama farmashiye, waxaana laga qiyaas qaadanaya kiradii u dambeysay ee uu bixiyey.

8. Wuxuu kaloo xaq u yeelanaya magdhowga dheeraadka ah ee ku tilmaaman Qod. 8aad, xubintiisa labaad, marka la helo shuruudaha halkaas ku tilmaaman.

9. Fulinta go'aanka banneynta maguurtada waxaa shardi u ah bixinta magdhowga xubinta toddobaad ku sheegan, magdhowga ku tilmaaman xubinta siddeedaa waxaa la bixinaya bilowga hawsha cusub.

Qod. 22aad

(Maguurtooyinka lagu qabto hawlo gaar ah)

Heshiisyada ijaarka ee ku tilmaaman Qod. 18aad, waxaa lagu dhaqayaa qodobbada 19aad iyo 20aad.

Qod. 23aad

(Heshiisyada socday ee aan loogu talo gelin cusbooneysiin)

1. Axkaanta ku sheegan Qodobbada 2 iyo 18 waxaa lagu dhaqayaa xataa heshiisyada muddadoodu socotay markay uu dhaqan gelay Sharcigan, in la cusbooneysiyan ayan dhinacyadu ugu talo gelin, waxaana laga jarayaa muddada ku sheegan qodobbaadas, inta ka go'day muddadii hore loogu heshiiyey.

2. Si kastaba ha ahaatee, muddadu marnaba kama yaraan karto laba sano, laga billaabo taariikhda dhaqangalka Sharcigan.

3. Axkaanta xubinta hore, waxaa lagu dhaqayaa xataa heshiisyada ijaarka maguurtooyinka Sharcigan uu ka hadlay oo taariikhda dhaqangalka Amarka laallidda dacwadaha ijaarka guryaha ganacsiga (Amarka Madaxweynaha JDS lambar 13, taariikh 13 Maajo 1981) ka hor ay ka taagneyd daewad guri banneyn ah, ama muddadii lagu heshiiyey ay dhammaatay taariikhdaas kaddib.

4. Qiimaha kirada waa laga wada hadli karaa, kireeyuhuna waa weydiisan karaa kororsimo aan ka badneyn boqolkiiba labaatan (20%).

Qod. 24aad

(Ka bixidda heshiisyada)

1. Kireeyuhu waa ka bixi karaa heshiisyada ku tilmaaman qodobbada 19, 22 iyo 23, isagoo cuskanaya sababaha ku sheegan Qod. 4aad, ogeysiyeyna kireystaha ugu yaraan lix bilood ka hor taariikhda dhammaadka heshiiska. Kireeyuhu wuxuu ogeysiiska ku gudbinaya warqad xafidan oo jawaab celin leh.

2. Xaaladda xubinta hore ku sheegan marka la helo, waxaa lagu dhaqmayaa qodobadda 5, 6, 8, 9, 10, 11 iyo 12.

Qod. 25aad

(Dacwadaha fulinta ah)

1. Dacwad kasta oo fulin ah, kuna saabsan guri ka saarid, taagneydna markii uu soo baxay Amarka Madaxweynaha JDS lambar 13, taariikh 13ka Maajo 1981, iyo dacwadaha la soo saaray xukun kama dambeys noqday taariikhdaas ka hor, waxaa lagu dhaqayaa shuruucdii hore.

2. Hase yeeshie Garsooraha Fulintu, isagoo tixgelinaya duruufta taagan, wuxuu lagu-fuliyaha siin karaa madal aan ka badneyn hal sano.

Qod. 26aad

(Burrin)

Waxaa la burriyey sharci kasta oo ka soo horjee da ama aan la socon karin Sharcigan.

Qod. 27aad

(Dhaqangal)

Sharcigan wuxuu dhaqan gelayaa 15 maalmood kaddib marka lagu soo saaro Faafinta Rasmiga ah ee Jamhuuriyadda.

Muqdisho, 29 Disember 1981.

MADAXWEYNAHA JDS
Jaalle Maxamed Siyaad Barre

QAYBTA LABAAD

XEER

XEER MADAXWEYNAHA JDS. L. 74 ee 5.7.1981.
Dallacsiiin Shaqaale.

MADAXWEYNAHA J.D.S.

ISAGOO Arkay Qod. 82aad (xubinta 14aad) ee Da stuurka JDS.

ISAGOO Arkay Xeerka Lamb. yahay 46 16.9.79
laguna dhaqan geliyey Dastuurka JDS.

ISAGOO Arkay Sharcigan Dhismaha Golayaasha Shacbiga Degaanada, maamulka Gobollada iyo Deg mooyinka lamb. yahay 6 ee 12.2.1980.

ISAGOO Tixgeliyay tala jeedinta Duqa Magaalada Muqdisho, (KMG).

WUXUU SOO SAARAY XEERKAN

Qod. 1aad

Laga bilaabo 1-5.81, waxaa Xeerkhan lagu dallacsii yay hal darajo, J/le Xasan Maxamed Cumar, oo ka tir san Shaqaalah D/Hoose ee Muqdisho, kaasoo ka muu jiyay goobta shaqada fir fir cooni, hawkarnimo, iyo kacaannimo.

Qod. 2aad

Jaallahaas oo ay Darajadiisii hore ahayd F3, wa xaa la gaarsiiyay F2, waxaana mushaarkiisu noqona yaa Sh. So. 800, iyadoo loo raacinayo kororsiimada caa diga ah ee Shaqaalah Dawladda.

1849

Qod. 3aad

Xeerkani, waxaa lagu soo saari doonaa Faafinta Rasmiga ah ee Jam. Dimoqraadiga Soomaaliya.

Muqdisho, 5 Luulyo 1981.

MADAXWEYNAHA JDS
J.le S/Gaas Maxamed Siyaad Barre

Waan aragnay ee Diiwaangelinnay
Diiwaanka lamb. 4 bogga lamb. 240

Muqdisho, 22 Luulyo 1981.

Hantidhowraha Guud
Dr. Xuseen Cabdulle Cali.

-- 1850 --

XEER MASAXWEYNAHA JDS, L. 75 ee 29.7.1081.
Darajo ka beddelaad.

MADAXWEYNAHA J.D.S.

ISAGOO Arkay Qod. 82aad (xubinta 14aad) ee Da stuurka JDS.

ISAGOO Arkay Xeerka Lamb. yahay 46 ee 16.9.79 ce uu ku dhaqan galay Dastuurka JDS.

ISAGOO Arkay Shahaadada marag kacaysa in Jaallahaasi soo dhamaystay Dugsiga Sare.

ISAGOO Arkay Qod. 19aad ee Sharciga Lamb. ya hay 5 ee 2.2.1980, oo xaq u siinaya in qofkii sita Shahaadada Dugsiga Sare lagu meeleyyo darajada (B10).

ISAGOO Tixgeliyey tala jeedinta Duqa Magaala lada Muqdisho, (KMG).

WUXUU SOO SAARAY XEERKAN

Qod. 1aad

Laga soo billaabo taariikhdu markay ahayd 1.1.79 waxaa J/le Maxamed Maxamud Sahal laga bedelay darajadii hore, kaddib markii uu la yimid Shahaadada Dugsiga Sare.

Qod. 2aad

Jaalle Maxamed Maxamud Sahal, wuxuu ku mu shaar qaadan doonaa darajada (B10/2), mushaarkii suna waa 490, waxaana loo raacinaya lacagta koror siimada Guud ee Shaqaalah Dawladda.

Qod. 3aad

Xeerkani, wuxuu dhaqan gelaya marki uu soo saxiixo Madaxweynaha Jamhuuriyadda Dimoqraadi-ga Soomaaliya.

Muqdisho, 29 Luulyo 1981.

MADAXWEYNAHA JDS
J.Ic S/Gaas Maxamed Siyaad Barre

Waan aragnay ee Diiwaangelinnay
Diiwaanka lamb. 6 bogga lamb. 133
Muqdisho, 14 Sebtember 1981.

Hantidhowraha Guud
Dr. Xuseen Cabdulle Cali

XEER MADAXWEYNAHA JDS, L. 76 ee 30.8.1981
Dib u sixid Xeerkal Lamb. DH.MG.XQ.01.81.

MADAXWEYNAHA J.D.S.

ISAGOO Arkay Qod. 82 (xubinta 14aad) ee JDS.
Soomaaliyeed.

ISAGOO Arkay Xeerkal lamb. 46 ee 16.9.79 ee ku
dhaqan galay J.D.S. Soomaaliyeed.

ISAGOO Arkay sharciga dhismaha G/Shacbiga
degaanada, maamulka gobollada iyo degmooyinka ee
Lamb. 6 soona baxay 12.2.80.

ISAGOO Arkay Xeerkal Lamb. DH.MG.XQ.02.81
ee lagu dalacsiiyey hal derejo J/Ile Xasan Jimcaale oo
ah kormeere kawaan laguna soo gudbiyay warqadda
Lamb. JDS XM. E.1.278.81 ee 9.2.81 kaasoo halkaan ku
lifaqan.

ISAGOO Ogaaday in Xeerkas aan la diiwaan ge
lin qalad galay awgeed.

ISAGOO Tixgeliyay tala jeedinta Duqa Magaala-
da Muqdisho.

WUXUU SOO SAARAY XEERKAN

Qod. 1aad

Laga bilaabo maalinta Madaxweynuhu saxiixo,
waxaa Xeerkan dib loogu saxay xeerka Lam. DS.MG.
XQ.02.81, kaasoo hal derejo lagu dalacsiiyay J/Ile Xa
san Hiraabe Jimcaale.

Qod. 2aad

J/Ile Xasan oo horay ugu jiray derejada (C 1—2
Mushaarkiisuna ahaa Sh. So. 860, wuxuu hadda wixii
ka dambeeyaa u gudbay darajada B2-2 iyadoo Mushaa
rkiisa waxba ku kordhin.

Qod. 3aad

Xeerkan waxaa lagu soo saari doonaa Faafinta Rasmiga ah ee Jam. Dimoqraadiga Soomaaliyeed.

Muqdisho, 30 Agoosto 1981.

MADAXWEYNAHA JDS
J.le S/Gaas Maxamed Siyaad Barre

Waan aragnay ee Diiwaangelinnay
Diiwaanka lamb. 6 bogga lamb. 136

Muqdisho, 14 Sebtembar 1981.

Hantidhowraha Guud
Dr. Xuseen Cabdulle Cali

XEER MADAXWEYNAHA JDS, L. 77 ee 30.7.1981.
Dallacaad.

MADAXWEYNAHA J.D.S.

ISAGOO Arkay Qod. 82 (xubinta 14aad) Dastuur ka JDS,

ISAGOO Arkay Xeerka Lamb. 46 ee 16.9.79 ee ku dhaqan galay Dastuurka JDS.

deegaanada, maamulka gobollada iyo degmooyinka Lamb. 6 soona baxay 12.2.80.

ISAGOO Arkay sharciga Lamb. 49biis ee 1.1.80.

ISAGOO Tixgtliyay tala jeedinta G/Joogtada ee G/shacbiga deegaanada Xamar.

ISAGOO Ay ugu muuqatay in ay tahay lagama maarmaan in J.lt G/le Dhexe Cali Xirsi Maxamuud oo ka tirsan Ciidanka Ilaalinta deegaanka Xamar la dallacsiiyo hal derejo.

WUXUU SOO SAARAY XEERKAN

Qod. 1aad

Laga bilaabo maalinta ay taariikhdu ahayd 15.8.81 waxaa xeerkaan lagu dallacsiiyay hal derejo J.le G.dhewe Cali Xirsi Maxamuud waxaana loo aqoonsa day derejada G.le Sare ee Ciidanka Ilaalinta deegaanka Xamar laga bilaabo taariikhda kor ku xusan.

Maadaama uu ka muuiiyay goobta shaqada daa, kacaanimo, xilkasnimo, waayo aragnimo, daa eadnimo iyo u dabacsanaanta hawlaha qaranku.

Qod. 2aad

J.le Cali Xirsi Maxamuud oo horay ugu jiray derejada G.le dhewe ee Ciidanka Ilaalinta deegaanka Xa-

mar, wuxuu u dallacay derejada ah G/le Sare, wuxuuna ku mushaar qaadan doonaa darajada loo dallasiiyay, kaasoo dhan Sh. So. 1.600 iyo kororsiimada guud ee dawladda.

Muqdisho, 30 Agoosto 1981.

MADAXWEYNAHA JDS
J.le S/Gaas Maxamed Siyaad Barre

Waan aragnay ee Diiwaangelinay
Diiwaankalamb. 6 bogga lamb. 134

Muqdisho 14 Sebtembar 1981.

Hantidhowraha Guud
Dr. Xuseen Cabdulle Cali